



| | |
|--|-------------------------------------|
| REPUBLIKA E KOSOVËS - REPUBLIKA KOSOVO | KOMUNA E VUSHTRRISË-OPŠTINA VUČITRN |
| 01 Nr. / Rr. | 324/22 |
| Nr. i fq. / Br. si | - 17 - |
| Date: / Datum | 29. 12. 2022 |
| VUSHTRRI - VUČITRN | |



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL
NGA MBLEDHJA E -IX- E RREGULLT E KUVENDIT TË KOMUNËS SË
VUSHTRRISË, MBAJTUR MË 24 NËNTOR 2022**

Mbledhja është mbajtur në sallën e Kuvendit të Komunës së Vushtrrisë, duke filluar në orën 10:20. Në këtë mbledhje ishin të pranishëm anëtarët e Kuvendit të Komunës së Vushtrrisë: Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Bujar Pllana, Edona Gashi, Fakete Dushi, Faton Hyseni, Fatmire Cecelia, Gentiana Rama, Refik Maloku, Gresa Muli, Galip Avdiu, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kastrati, Mentor Hasani, Mensur Kasumi, Nurie Halili, Nurten Çerkezi-Gjyshinca, Shkelzen Xhaferi, Sylejman Mehollı, Spasoje Stefanoviq, Ymer Haradinaj dhe Zojë Hajrizi.

Munguan: Blerina Shala dhe Nasuf Aliu.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallën e kuvendit, ka kuorum të mjaftueshëm për zhvillimin e punimeve të mbledhjes plenare dhe përmarrje të vendimeve të plotfuqishme, andaj procedoi me rendin e ditës. Të pranishëm në këtë mbledhje ishin edhe kryetari i komunës z.Ferit Idrizi, nënkyetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Ferit Idrizi, kryetar i komunës-në adresimin e tij para anëtarëve të kuvendit, falënderoj gjithë qytetarët e Vushtrrisë, shtabin emergjent për punën që ka bërë në ballafaqimin me situatën emergjentet nga të reshurat atmosferike që kanë mbretëruar këto ditëve të fundit, ku kësijo komuna i' a ka dal që të sanoj dëmet e konsiderueshme nga vërvshimet, që kanë qenë më të mëdhatë në 50 vitet e fundit në Komunën e Vushtrrisë e këto vërvshime mbahen mend në kujtesën kolektive në vitin e largët 1979, por edhe ato të vitit 2021. Andaj në këtë rast falënderoj të gjithë operatoret ekonomik lokal të Vushtrrisë të cilët me gjithë kapacitetin dhe makinerinë e tyre ishin në dispozicion, por falënderon edhe qytetarët që ju përbajtën instrukSIONEVE që i ka parashtruar shtabi emergjent. Më tej shtoi dhe sqaroi se në mbledhjen e kaluar të kuvendit kishte munguar për shkak se ka pasur një takim pune në Ambasadën e Francës, por me sa ka parë ai në atë mbledhje kishte ndodhur një keqkuptim lidhur me një pikë të rendit të ditës. Ai nuk donë të arsyeton epilogun e saj mbledhje, por tërhoqi vërejtjen tek juristët e komunës që të sqarojnë çdo dilemë për çdo pikë të rendit të ditës, fjala është për ndërtimin e lapidarit në fshatin Pasomë, i cili është bërë temë debati dhe ka shkuar edhe më lartë dhe le të sqarohet edhe në institucionet tjera legale. Në rastin konkret nuk ka pasur nevojë të votohet me votë të fshehtë e as të kërkohen 2/3 e anëtarëve të kuvendit. Këto shpjegime ai i argumentoj me fakte propozim-buxheti është aprovuar nga kuvendi dhe bashkë

me buxhet është aprovuar edhe propozimi për ndërtimin e lapidarit në fshatin Pasomë, ku janë ndarë edhe mjetet financiare, në vlerë prej 10,000 €, ndërsa statuti i komunës është aprovuar më vonë pasi që është aprovuar buxheti i komunës, dhe kësisoj nuk ka pasur nevojë të bëhet një votim i tillë me 2/3 e anëtarëve të kuvendit. Në rastin konkret ka pasur nevojë të bëhet caktimi i parcelës, tek vendi i quajtur *<lama e vacollëve>* është ndarë një parcelë dhe ka marr shifër të veçantë dhe kjo është dashur të del në votim dhe të aprovohet me votim me shumicën e thjesht. Pastaj sqaroi se në kuadër të vendimit për aprovimin e buxhetit ku parashihet ndërtimi i këtij lapidarit, komuna ka mundur lirisht të filloj ndërtimin e lapidarit në fjalë, por me që ka dashur të jetë plotësisht transparent para kuvendit dhe qytetarëve, është sjellë në kuvend caktimi i parcelës për ndërtimin e këtij lapidari. Më tej njoftoj se formën për votimin e kësaj pike të rendit të ditës për ndërtim të lapidarit në fshatin Pasomë me votim të thjesht, do ta propozoj edhe sot në këtë seancë të kuvendit, dhe për këtë do ta marr edhe vlerësimin nga ana e Ministrisë të Pushtetit Lokal. Në fund sqaroi se në arsyetimin e këtij propozim-vendimi thuhet se lapidari për Adem Voca do të ndërtohet në fshatin Pasomë me iniciativën e deputetit Ali Januzi.

Ismet Gashi, udhëheqës i zyrës ligjore të komunës-sqaroi se kuvendi, nuk ka bërë kurrfarë shkelje e as shmangje nga procedurat kur ka vendosur që votimin për lapidarit në fshatin Pasomë për heroin “Adem Voca” dhe atë sipas nenit 17 të statutit të komunës së Vushtrrisë. Ndërsa sa i takon buxhetit për këtë lapidar është e vërtet që mjetet për këtë projekt janë planifikuar në buxhetin e komunës për vitin 2022 ngritja e lapidarit në fshatin Pasomë, por nuk është përcaktuar se në cilën parcelë është planifikuar të ngritet ky lapidar. Andaj aprovimi i këtij vendimi duhet të bëhet sipas nenit 17 pika 11 ku thuhet: vendimi për ngritjen e lapidarëve, shtatoreve, pllakave përkujtimore, merret me votat e 2/3 të anëtarëve të Kuvendit të komunës. Votimi në të gjitha rastet bëhet në mënyrë të fshehtë.

Ferit Idrizi, kryetar i komunës-tha se sipas nenit 17 të statutit të komunës, me 2/3 e votave aprovohet ngritja-ndërtimi i lapidarëve, por jo edhe caktimi i lokacionit-parcelës, andaj në rastin konkret nuk ka pasur nevojë të shkohet me votim prej 2/3 dhe kësisoj të qitet në lajthitje kuvendi. Në vazhdim lexoj para kuvendit, kërkesën e arsyetuar të banorëve të fshatit Pasomë për ngritjen e lapidarit në fshatin Pasomë për heroin *<Adem Voca>*, ku ceku se në kërkesën e banorëve tekstualisht potencohet vendi se ku do të ndërtohet dhe për këtë si kryetar i komunës ka autorizuar Drejtoren e Urbanizimit dhe atë të Kadastrit për ti bërë matjet dhe për ti shikuar anën teknike të kësaj çështje. Ndër të tjera në arsyetimin e propozim vendimit ceke se ngritja e këtij lapidari do të bëhet në fshatin Pasomë, pjesë nga parcella kadastrale P-70202050-01296-0 në sipërfaqe prej 613 m², nga sipërfaqja e përgjithshme prej 89886 m², me kulturë kullosë e kl.4 ZK - Pasomë, e cila evidentohet si pronë e Komunës së Vushtrrisë. Në statutin e komunës është përcaktuar se ndërtimi i lapidareve bëhet me 2/3 e anëtarëve të kuvende dhe kjo është bërë me qëllim që të ndalohet vërvshimi i kërkesave për ngritjen e këtyre lapidarëve, ndërsa caktimi i lokacioneve për lapidarët bëhet me votim të thjesht.

Ismet Gashi, udhëheqës i zyrës ligjore të komunës-përsëriti që votimi për caktimin e lokacioneve për lapidarë dhe pllaka përkujtimore bëhet me 2/3 e anëtarëve të kuvendit dhe me votim të fshehët, ndërsa votimi për ndarjen e buxhetit bëhet me votim të thjesht.

Adnan Lahu, anëtar i kuvendit –kërkoi nga kryetari i komunës që mos ta shpërqendroj debatin sepse siç tha ai askush nuk është kundër ndërtimit të lapidarit për patriotin “Adem Voca” sidomos janë të pavërteta lajmet se anëtaret e LDK-së janë kundër atij lapidare, sepse si LDK nuk jemi kundër asnjë lapidaret për heronjtë tanë pavarësisht cilave periudha ju takojnë ata. Në këtë rast po debatohet keqpërdorimi i kuvendit, ndërsa kryetari i komunës për një muaj rresht nuk dha asnjë sqarim për ato që kanë ndodhur në mbledhjen e kaluar. Lidhur me këtë çështjen e votimit ne kemi

edhe vlerësimin e dhënë nga zyra ligjore e komunë dhe shtoj se përderisa kryetari i komunës nuk i jep sqarimet e duhura lidhur me atë çështje, kërkoj dorëheqjen e kryesuese së kuvendit dhe mu për këto si LDK lëshojmë seancën e kuvendit në mënyrë demonstrative.

Në vazhdim disa nga anëtarët e grupit kuvendar të LDK-së lëshuan sallën e mbledhje së kuvendit në mënyrë demonstrative.

Melihate Basholli-Latifi, kryesuese e kuvendit – kërkoj nga anëtarë i kuvendit z.Adnan Lahu, që mos ta keqpërdor foltoren e kuvendit dhe pozitën e tij por edhe devijimin e vullnetit të qytetarëve sepse ai mund të flet vetëm si qytetar sepse atë ditë kur është votuar ajo pikë e rendit të ditës ai nuk ka qëndruar në sallën e kuvendit.

Sylejman Mehollı, anëtar i kuvendit – në adresimin e tij para kuvendit deklaroi: Të dashur qytetarë të Komunës së Vushtrrisë, të nderuar mysafir pjesëmarrës të kësaj seance të Kuvendit, Jemi rikthyer sot në këtë sallë të Kuvendit Komunal si institucion i më i lartë i institucioneve lokale bazuar në ligjet e Republikës, i cili është përgjegjës për pushtetin legjislativ lokal, pra, të miratoj statutin e komunës, rregullore, vendime dhe akte të ndryshme juridike me karakter obligativ për punën e komunës të cilat komuna, gjegjësisht kryetari dhe ekzekutivi ka për obligim t'i zbatojë. Po ashtu kuvendi konsiderohet tempulli i demokracisë ku lindin e ballafaqohen idetë dhe mendimet politike lokale, ku pajtohen por edhe ku ndahen mendimet e qëndrimet por që të gjitha në suaza të demokracisë dhe ligjeve në fuqi. Kuvendi është institucioni ku anëtarët përfaqësues politik të popullit marrin pjesë, debatojnë por edhe votojnë për çështje të caktuara sipas bindjes së lirë. Por, saktësisht një muaj më parë këtij institucioni i janë përdhosur këto vlera nga zyrtarët e partisë në pushtet që ushtrojnë pozita publike në ekzekutivin e komunës apo legjislativin e saj. E filluan me shpifje individuale dhe familjare të orkestruara dhe parapërgatitura pa as një argument ndaj asamblistëve të opozitës duke i bërë ato komplet jashtë rendit të ditës për çka debatohej në kundërshtim me rregulloren e punës së kuvendit, dhe nën paaftësinë infantile të kryesuesës së Kuvendit për ta menagjuar seancën, situata kulmoj me veprën penale të ushtrimit të ndikimit nga ana e nënkyetarit tek asamblistët e partisë në pushtet të cilët bashkë më kryesuesen dhe para syve të saj në bashkëpjesëmarrje bënë veprën penale të votimit, për asamblistët që nuk ishin prezent në sallën e kuvendit. Këtu morri fund demokracia dhe u vendos autokracia. Autokracia vazhdojë me veprat penale të radhës edhe pas seance, duke fshirë pjesën e dytë të video seancës së kuvendit nga faqja e komunës, duke provuar të humbin gjurmët e veprës penale. Të nderuar qytetarë të Komunës së Vushtrrisë me këto veprime të përfshirët në këtë akt, jo vetëm që e kanë shkelur ligjin dhe bartni përgjegjësi, por e kanë pashtuar edhe Kuvendin Komunal, vlerat e demokracisë, por edhe heroin dhe dëshmorin Adem Voca dhe familjen e ti, për të cilin kuvendi do duhej të votonte atë ditë me krenari dhe unanimitet, por ja që kështu nuk menduan edhe bashkëpartiakët e kryetarit të cilët nderimin për dëshmorët e kanë vetëm për vota në kohë fushate dhe për poena politik. Çka ndodhi tutje, të dashur qytetarë?! MAPL që mbikëqyr ligjshmërinë e vendimeve të kuvendit ka shpallur vendimin e paligjshëm duke konfirmuar zyrtarisht se është votuar për persona që nuk ishin prezent, kurse prokuroria e shtetit nga ajo çfarë kemi parë nga mediat ka urdhëruar policinë e Kosovës për fillimin e hetimeve për këtë rast. I vetmi person që ka përgjegjësin më të lartë politike në këtë komunë dhe nuk pati guximin politik as autoritativ ta thotë një fjalë të vetme, së paku një fjalë, është ky, kryetari i komunës Ferit Idrizi. Ky i cili në këtë rast e ka të përfshirë hiq më pak se vartësin kryesor, nënkyetarin e komunës të cilin e emëron vet. Ky është ai kryetari i 99 fijeve të telave të ndryshkur të demokracisë, që demokracinë po provon ta shndërroj në autokraci, duke i

lidhur telat me lidhje të shkurtër. Ky që për këtë situate nuk kërkon falje publike, ky që nuk ndjen keqardhje, ky që nuk distancohet dhe nuk ndërmerr veprime, ky që jo vetëm që nuk e thotë as edhe një fjalë, por nesër provon të përformoj në rolin e aktorit që luan viktimin, njeriun e mire dhe të pafajshmin! Por jo, ne do të jemi këtu për të ja prishur shfaqjen dhe për t' ja kujtuar gjërat edhe kur provon t'i heshtë, edhe kur provon t'i lë në harresë. Por jo ne këto gjëra nuk do ti harrojmë as nuk do ti lëmë të parashkruhen. E nderuar kryesuese ju tashmë e keni humbur jo vetëm respektin por edhe autoritetin mbi drejtimin e kuvendit. Ne nuk i kemi numrat për të ju dhënë atë çfarë meritoni, por shpresojmë që atë do ju jep ligji, kurse ne nuk do të qëndrojmë në këtë sallë ku shkelen ligjet, e rregulloret, ku kryhen vepra penale para syve tuaj dhe ju nuk provoni as t'i ndaloni. Thjeshtë një kryesuese si ti nuk mund të na përfaqëson dhe ofron kushte të punës për normalitet në këtë kuvend. Mirupafshim në rrethana të tjera.

Në vazhdim disa nga anëtarët e grupit kuvendar të LVV-së lëshuan sallën e mbledhje së kuvendit në mënyrë demonstrative

Melihate Basholli-Latifë, kryesuese e kuvendit –deklaroi se në cilësinë e kryesueses së kuvendit i ka respektuar të gjitha procedurat sipas ligjeve në fuqi, ku në rastin konkret për votimin e atij lapidari kishte themeluar komisionin për mbarëvajtjen e procesit të votimit ku njëri nga anëtarët ishte edhe ai nga radhët e subjektet politik Lëvizja Vetëvendosje i cili ka qenë i detyruar ta kryej punën e tij.

Ferit Idrizi, kryetar i komunës-vlerësoi se nuk ka dëshirë të sheh kësi sekuençash në mbledhjet e kuvendit, dhe shtoj se këta që e lëshuan mbledhjen, që thirren në interesin qytetar e që e kanë gojën plotë demokraci, gjatë ditëve të vërvshimeve, ku ishte gjendje e rënd për qytetaret opozita nuk ka ofruar asnjë lloj bashkëpunimi duke mos bërë të paktën një telefonatë për ditur se si është gjendja. Këta nuk janë që i mbrojnë interesin qytetar, dhe shtoi se anëtarë i kuvendit z. Shkelzen Xhaferi përmes faqes portalit të tij Vupol, propagandon me fotot e kryetarit të komunës në teren, i cili në cilësinë e kryetarit të shtabit emergjent bënë përpjekje për të sanuar gjendjen e vërvshimeve dhe mënjanimin e dëmeve, ndërsa bënë epitete fyeze për kryetarin e komunës, kurse shefi i tij partiak kryetari i LDK-së, bënë thirrej fansave në facebook për ta mbështetur atë portal, ai u zotua se do të ta demaskoj atë portal, por edhe hilet që po i bënë edhe përmes prokurorisë. Pastaj shtoi shefi i grupit kuvendar të LDK-së i cili ka përfituar pronë dhe është njëri që përfilitet, tanë del dhe moralizon kjo kështu nuk shkon. Në vazhdim shtoj asnjëri nga shefat e grupeve kuvendare nuk ka treguar bashkëpunim, e vëmja që ka dalë në teren për ta vëzhguar gjendje ka qenë deputetja e Kuvendit të Kosovës znj. Rrezarta Krasniqi. Më tej duke ju referuar shefit të grupit kuvendar të LVV-së z. Sylejman Mehollı, shtoi se ai nuk mund të flet për dëshmoret sepse siç deklaroi ai ka dëshmorë nga familja e tij por asnjëherë nuk ka përfituar në emër ti tyre. Në fund tha se kësaj çështje do ti shkohet deri në fund, por nëse del se ka pasur gabime ata duhet të jalin përgjegjësi juridike.

Shpëtim Zhegrova, nënëkryetar i komunës-tha se në mbledhjen e kaluar të kuvendit, pjesëmarrës ishte edhe ai vet dhe në një formë ka qenë i implikuar në atë situatë, dhe pavarësisht të gjitha këtyre zhvillimeve, tashëm kjo lëndë ndodhet në instancat tjera, por për këtë çështje është ngritur edhe një kallëzim penal, për të cilin ai personalisht është krenar. Ti bësh dikujt kallëzim penal për ngritjen e një lapidari për një dëshmorë, nga dy njerëz që e kanë dëmtuar më së shumti këtë institucion në katër vitet e fundit, për të është nder dhe krenari. Në vazhdim ai lexoj një mesazh që ka dalë nga grupet dhe zyrtaret e LDK-së ku thuhet se: po ju njoftojmë se në emër degës së LDK-së në Vushtrri, kemi ushtruar kallëzim penal, ndaj zyrtarëve të lartë të Komunës së Vushtrrisë në

Prokurorinë Speciale për keqpërdorimin dhe shkatërrim të pronës komunale. Andaj këta mendojnë se me lapidar shkatërrohet prona komunale dhe kjo është fatkeqësi, këta nuk e kanë qëllimin këtu, por këta e dinë që janë të inkriminuar dhe se kohëve të fundit kanë filluar denoncimet përmes kallëzimeve penale, sepse siç thotë populli këtyre "iu është sosur bishti". Pastaj shtoj se i vjen keq që disa anëtarë të kuvendit po bien pre e disa provokimeve e që nuk kanë qenë pjesë e këtyre gjireve. Shefi i grupit kuvendar të LVV-së, ka keqpërdor imagjinon nga 45 €, dhe kur këtë e ka bërë çfarë është në gjendej të bëj në rastet tjera. Fatkeqësia tjetër është që LDK-në si njëri nga subjektet më të vjetra në Kosovës ta përfaqësoj një njëri i cili ka keqpërdor detyrën zyrtare skajshmërisht në katër vitet e fundit, ku i kanë dhënë 17 hektar tokë në mënyrën më të keqe të mundshme, prokuroria dhe hetuesia as që janë marr me atë lëndë, lëndën e kanë marr në duart e tyre por nuk kanë vepruar, dhe mund ta shikoni veprimin e ish-kryetarit të komunës se si i bën me dorë anëtarit të kuvendit, dhe ushtron ndikim përfitim personal-material, ndërsa vlera apo dëmi për ngritjen e lapidarit ka qenë zero. Në nenit 17 paragrafi 6 të statutit të komunës thuhet: Kuvendi i Komunës merr vendim për caktimin e lokacionit për ndërtimin e lapidarëve, shtatoreve dhe pllakave përkujtimore, lidhur me këtë pyeti zyrtarin e zyrës ligjore se në bazë të Ligjit për Vetëqeverisje Lokale si merren vendimet, dhe shtoj se ky ligj përcakton se vendimet e kuvendit merren me shumicën e anëtarëve që votojnë, dhe në rastin konkret kemi pasur caktim të lokacionit nuk kemi pasur vendim për ndërtim ose ngritje të lapidarit sepse ky vendim është marr në kuadër të vendimit për miratimin e buxhetit të komunës për vitin 2022 pjesë e të cilit ka qenë edhe ndërtimi i lapidarit për patriotin <Adem Voca>. Më tej duke ju adresuar zyrës ligjore dhe udhëheqësit të saj, shtoi se në të kaluarën kur partia e tij ishte në pushtet në komunë, ky zyrtarë asnjëherë nuk kishte ngritur zërin për shkeljet që kanë ndodhur nga ish qeverisja dhe nuk kishte dërguar asnjë shkresë në organet e drejtësisë, lidhur me dëmtimin-shkatërrimin e pronës komunale që kishte ndodhur në Parkun Industrial në Lumadh nga ish kryetari i komunës së Vushtrrisë. Pastaj përsëriti se ish kryetari i komunës së Vushtrrisë ka shpërndarë në kularët edhe grupet e LDK-së mesazhe propagandistike për gjoja shkatërrim të pronës komunale, nga zyrtarët udhëheqës të komunës, e që në realitet vetë Xhafer Tahiri është i inkriminuar në shkatërrimin e pronës komunale. Tutje shtoi se grupi kuvendar i LDK-së është dal nga salla e kuvendit sepse nuk kanë guxim të ballafaqohen dhe potencoi se ish-drejtori i LDK-së Shkelzen Xhaferi duhet të tregoj se si e ka bërë pagesën e ushqimit në fushatë zgjedhore në vlerë prej 2000 €, dhe sa kompani i ka thirr pas fushatës për ti marr mjete financiare, ndërsa shefi i grupit kuvendar i LDK-së ka nënshkrua marrëveshje interne për 1 hektarë e 20 ari pronë. Lidhur me veprimet e tij në mbledhjen e fundit të kuvendit që ka të bëj me lapidarin e Adem Voces, deklaroi se ai e ka bërë atë veprim dhe ka bërë për interes të përgjithshëm dhe pa asnjë kundërvlerë për nderimin e heroit Adem Voca, dhe nëse në veprimet e tij ka përgjegjësi ai është i gatshëm të bartë vet atë. Më tej deklaroi se është ndaluar politika dhe veprimet siç ai i quajti të xheparoshëve dhe politika e korruzioni nga ish qeverisja është prerë-këputur. Qeveria e Ferit Idrizi është e qartë dhe e pastër si kokrra e lotit, nuk ka më politikanë të korruptuar në komunë dhe ceku se asgjë nuk e frikëson nga askush, sepse është i pastër në tërësi, lidhur me keqpërdorimet nga ish qeverisja e kaluar paralajmëroj se ka përgatitur kallëzim penale dhe të njëjtin do ta dërgoj në prokurori. E kanë dëmtuar buxhetin për 170,000.00 € duke i punësuar 150 persona me qëllim që të rritet portali i tyre vupol. Në fund tha dhe u zotua se nuk do të zmbrapset deri në fund dhe do ti ndjek deri në fund ata që kanë keqpërdor nga ish qeverisja komunale, do ti demaskoj të gjitha këto portale që po shpifin dhe po propagandoj me qellë të etiketimit që po tentohet tu bëhet bartësve kryesor të komunës.

Melihate Basholli-Latifi, kryesuese e kuvendit – konstatoj se në sallën e kuvendit në momenti që po diskutohej ishin 18 anëtarë të kuvendit kuorum i mjaftueshme për marr vendime të plotfuqishëm.

Ismet Gashi, udhëheqës i zyrës ligjore të komunës-tha se asnjëherë nuk e ka përzier punën e tij profesionale me partitë politike, dhe shtoj se në momentin që është ngritur dyshimi nga Drejtoria e Kadastrit për kontrata të dëmshëm ai ka vlerësuar dhe ka tërhequr vëmendjen për parandalimin e zbatimit të kontratave të dëmshme për komunën. Lidhur me votimin e vendimit për caktimin e lokacionit për lapidarit e patriotit Adem Voca, përsërit se votimi duhet të bëhet me 2/3 konfom statutit të komunës i cili ka marrë aprovin nga ana e MAPL-së, e të cilin jemi të obliguar ta zbatojmë.

Ali Januzi, anëtar i kuvendit – tha se nuk ishte e nevojshme që grupi kuvendar i LDK-së dhe LVV-së disa nga anëtarët e tyre ta lëshojnë mbledhjen. Pastaj vlerësoi se kur është interes i përgjithshëm, duhet ti ulim flamujt partiak dhe të rreshtohemi në të mirën e përgjithshme. Ai shtoi se çështja e këtij lapidari për patriotin Adem Voca, është bërë problem pa pasur kurrfarë nevoje, dhe kjo po bëhet në mënyrë të mbrapshtë, sepse në atë pronë nuk ka kurrfarë kontesti, dhe potencoi se për figurën e Adem Vocës, duhet të flasin historianet dhe Akademia e Shkencave. Në vazhdim ai parashtroj para kuvendit një historik të shkurtër dhe të lavdishëm për figurën e Adem Vocës, si një patriot i vërtet, dhe vlerësoi se është e turpshme që dikush po tenton të njollos njerëz në emër të veprës së këtij heroi. Tutej vlerësoi se dyshon që dikush nga Lëvizja Vetëvendosje, për shkak të gjelozisë pse ai e ka propozuar ndërtimin e këtij lapidari po tenton që në forma të ndryshme ta pengoj këtë proces. Në vazhdim ai paraqiti duke lexuar një kërkesë të komandanti Gani Lahu, për financimin e një libri "Rrezet e Lirisë" për luftën e UÇK-së, e që kërkoj që kjo kërkesë të futet në rendit të ditës dhe të aprovohet, vlera e kërkesës është 7500 €. Në vazhdim ai paraqiti para kuvendit një ekspoze të librit, që lidhet me luftën e UÇK-së në ZOSH të Shalës.

Melihate Basholli-Latifi, kryesuese e kuvendit – njoftoi se kanë para vetës kërkesën e z.Gani Lahut të njëjtën e kanë shqyrtuar bashkërisht me kryetarin e komunës, dhe janë dakord që mbështetet kjo kërkesë por duhet të gjendet modalitetit i duhur ligjor.

Medina Bunjaku, drejtoreshë e DKRS-së-njoftoi se e kanë shqyrtuar kërkesën në fjalë, dhe mendon se në vitin e ardhshëm ta realizonjë këtë kërkesë.

Ilmi Azemi, anëtar i kuvendit - tha se ndjenë keqardhje që grupet kuvendar LDK e LVV, pjesa dërmuese e tyre lëshuan seancën, sepse siç deklaroi kemi nevojë për debat të brendshëm, sepse duhet ta analizojmë punën e kuvendit në përgjithësi respektin ndaj këtij institucioni dhe kryerjen e obligimeve individuale të secilit nga ne, betimin që kemi dhënë për të ruajtur nivelin institucional dhe ligjor në shërbim të qytetarëve. Menaxhimi i drejtimi i kuvendit, respektimi i Ligjit për Vetëqeverisje Lokale, statutit të komunës dhe rregullores së punës të kuvendit si dhe akteve tjera ligjore në veçanti nga kryesuesja e kuvendit e cila është e thirrur ligjërisht që të siguroj në çdo rast dhe në secilën mbledhje të kuvendit kushte për zhvillimin normal dhe të pa penguar të punimeve të kuvendit dhe konform e njëjta mundet dhe ka obligim ligjor të ndërmarr veprime konkretet në sigurimin e kushteve optimale për punën e papenguar të kuvendit. Në këtë drejtim secili deputet ka obligim t'i respektoj këto rregulla dhe forma ligjore. Mendon se Vushtrria në përgjithësi ka një traditë të mirë të punës në kuvendin e komunës, ka traditën e respektit të ndërsjellët pozitë/opozitë, ka traditën e kulturës institucionale, madje mendon se kuvendit paraqet një **retrovizor** të demokracisë lokale. Çka në të vërtet po tentohet të kultivohet në këtë kuvend, a duhet dhe a mundet të menaxhohet, nga kush dhe si duhet të menaxhohet gjithnjë duke respektuar obligimet dhe përgjegjësitë ligjore për secilin nga ne. Duhet të dimë dhe të kuptojmë se seancat e kuvendit janë aspekti më i rëndësishëm i jetë politike kuvendare lokale, shumica nga ne kemi qenë apo jemi

anëtarë të komiteteve obligative dhe në komisione të ndryshme, ku hartohen politikat e qeverisjes kommunale, diskutohen dokumentet e rëndësishme, hartohet buxheti, aprovohet statuti, rregulloret por edhe aktet tjera, propozohen pika të ndryshme por vetëm seanca e kuvendit ka fuqinë ligjore për miratim ose jo të këtyre pikave propozimeve apo akteve tjera. Andaj përgjegjësia e secilit prej neve është e madhe e nganjëherë edhe sfiduese, vetëm institucioni i seancës shpreh legjitimitetin dhe solemnitetin dhe mesazhin politikë. Deputetët e përdorin foltoren e kuvendit për të shpërfaqur bindjet, aftësitë dhe kreativitetin karshi vijës së qytetarëve, për parimet që mbrojnë dhe për të respektuar kontratën me zgjedhësit, por sa shfrytëzohet ky instrument në të mirën qytetare ai ka pasur rastin të evidentoj e vërej modele shumë pozitive të punës në këtë kuvend gjatë këtij mandati por edhe modele negative. Megjithatë rasti i fundit në zhvillimet në seancën e fundit të kuvend thotë dhe e pranon se është një alarm dhe në kufijtë e skandalit por edhe domethënës për demokracinë dhe cilësinë e jetës kuvendare të Vushtrrisë. Në këtë rast ka vërejtur një disponim negativ të subjekteve politike opozitare, lidhur me procesin e votimit për lapidarin në fshatin Pasomë LDK e LVV, e sidomos Lidhja Demokratike, që përmes portaleve që mbajnë linja private e partiake të tyre, kanë lansuar lajmin kinse në kuvendin e Komunës së Vushtrris ka ndodhur skandal, pa e deshifruar drejt se kjo akuzë e pabazë e pa faktuar drejt i drejtohet familjes ku bëjnë pjesë edhe ata vetë i drejtohen shtëpisë së përbashkët që kemi e ajo quhet Kuvendi i Komunës Vushtrri. Ai ndan bindjen dhe mendimin se nuk i ka bërë ndër as vetës e as subjektit të vetë kjo qasje sepse propozimi ka qenë për ngritjen e lapidarit për patriotin “Adem Voca” historinë e lavdishme të të cilit e ka prezantuar para kuvendit deputetit i nderuar Ali Januzi. Puna e kuvendit të komunës monitorohet nga Ministria e Administrimit të Pushtetit Lokal, por puna e kuvendit mbikëqyret edhe përmes transmetimit direkt në faqen zyrtare të komunës. Votimin e pikave të rendit të ditës morën pjesë disa deputet, por pamjet zyrtare nga seanca tregoj se votimi mbetet akt formal dhe institucioni i seancës edhe më formal dhe kjo nuk është ajo që e dëshirojmë dhe nuk duhet të përsëritet. Në fund tha se meqë pjesa më e madhe e anëtarëve të kuvendit nga partitë opozitare lëshuan mbledhjen, propozoi që të merret një pauzë prej pesë minutash për konsultim se a duhet të vazhdoj kjo mbledhje e kuvendit apo jo, pasi që duhet të janë edhe deputetit e opozitës për ballafaqim në kuvend sepse kemi edhe një kallëzim penal ndaj zyrtarëve të lartë udhëheqës të komunës.

Melihate Basholli-Latifë, kryesuese e kuvendit –vlerësoi se pasi që kemi kuorum të mjaftueshme mund të vazhdoj mbledhja e kuvendit.

Faton Hyseni, anëtar i kuvendit-tha se pas që kemi kuorum mund të vazhdoj mbledhja, ndërsa opozita ka të drejt të bëj veprimet politike për të cilat mendon se janë të duhura.

Behar Duraku, anëtar i kuvendit-tha se është i papranueshëm fakti se me çfarë gjërash tek ne bëhet politike, ku disa nga anëtarët e kuvendit nga LDK dhe LVV lëshuan mbledhjen, për një pikë që është shumë fisniqe dhe kjo është e nonsens dhe e papranueshme. Andaj para qytetarëve sqaroi se grupi i anëtarëve të LDK-së që po qëndron në sallë, ishin të njëjti që votuan seancën e kaluar për aprovimin e vendimit për lapidarin e patriotit “Adem Voca”, dhe ata që tanë dolën jashtë, ata ishin jashtë edhe kur u votua për lapidarin. Prandaj ta bësh politikën kur e dëmton interesin e qytetarit kjo është e papranueshme. Veprim politik kundër interesit qytetar është devijim i vullnetit të zgjedhësve dhe anashkalim i interesit të përgjithshëm.

Bekim Zabërgja, anëtar i kuvendit-përsëriti çështjen e rivotimi për vendimin për parkun industrial në fshatin Lumadh, pasi siç ka konstatuar edhe komisioni për këtë çështje janë gjetur një mori shkeljesh të legjisacionit në fuqi që i referohen kësaj fushe. Për këtë problematik kemi pasur edhe opinionet e zyrës ligjore të komunës dhe Agjencisë Kundër Korrupsion. Po ashtu kemi pasur edhe raportin e komisionit të ngritur për çështjen e zonës ekonomike që ka konstatuar një mori

shkeljesh në procesin e kontratave dhe dhënies të pronës në shfrytëzim. Pastaj ai potencoi pikat e vendimit që ishin dakorduar të gjithë anëtarët e kuvendit që për çështjen e parkut industrial t'i drejtohem i MAPL-së e po ashtu të kjo çështje të orientohet në organet e drejtësisë. Opinion i Agjencisë Kundër Korruption kërkon që bëhet rishqyrtimi, revokimi apo shfuqizimi i vendimit të kuvendit të komunës për parkun industrial në Lumadh. Andaj kerkoi sqarime nga kryetari i komunës dhe nga kryesuesja e kuvendit se përsë nuk e kanë sjellë në rend të ditës propozimin për shfuqizimin e vendimit nr. 81/21 për parkun industrial në Lumadh.

Agron Përçuku, anëtar i kuvendit-tha se një grup i anëtarëve të grupit të LDK-së janë prezent në mbledhje dhe do të jenë sa herë që e kérkon interes i qytetar. Mandej shtoi se është shqetësues deklarimi i shefit të grupit kuvendar të LDK-së Adnan Lahu i cili thotë se kishte marr pjesë në votimin e lapidarit Adem Voca, edhe pse ai atë ditë ka ikur nga seanca e edhe tanë iku nga mbledhja. Atë ditë janë dal nga mbledhja edhe disa anëtarëve LDK-së me qëllim të dështimit të atij procesi. Tutje shtoj se është shstuese paraqitja problematike e Adnan Lahut në këtë mbledhje, dhe shtoj se ai nuk e përfaqëson në tërësi LDK, ai përfaqëson një grup të ngushtë në LDK për interesat e tij personale. Edhe më shqetësuese është fakti që disa portale të rrejshme të afërt me disa individ brenda LDK-së që po tentojnë të degradojnë zyrtar publik në komunë, jo vetëm të qeveris komunale por edhe të disa përfaqësuesve të qytetarëve në kuvend. Nga foltorja e kuvendit bërë thirrje që kuvend të nxjerr një deklaratë që të i'u bëj thirrje organeve të hetuesisë që të hetohen të gjitha portalet e rrejshme dhe faqet që janë të hapura në rrejtët sociale sidomos në facebook, e që përmes tyre po tentojnë të degradojnë përfaqësuesit e zgjedhur nga populli.

Në fund të debatit jashtë rendit të ditës dhe për rendin e ditës, Kuvendi pas votimit me 20 vota “për” (sa edhe janë të pranishëm në sallën e mbledhjes) aprovoi këtë:

R E N D D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 27 tetor 2022;
2. Shqyrtimi i Informatës lidhur me zbatimin e Planit Zhvillimor Komunal;
3. Shqyrtimi i Informatës lidhur me strukturën e bizneseve, numrin e të punësuarve dhe zhvillimin e bizneseve;
4. Shqyrtimi i Propozim – vendimit për miratimin e Raportit të Vlerësimit Vullnetar Lokal (VVL) i Komunës së Vushtrrisë;
5. Shqyrtimi i Raportit të menaxhimit të performancës dhe grantit të bazuar në performancë për vitin 2021;
6. Shqyrtimi i Informatës lidhur me aktivitetet për implementim të reformës në fushën e menaxhimit të mbetjeve në Komunën e Vushtrrisë;
7. Shqyrtimi i Propozim – vendimit për pagesën e komisioneve të Kuvendit të Komunës së Vushtrrisë;
8. Shqyrtimi i kërkesës së Klubit të Hendbollit “Vushtrria” (femrat) për përkrahje financiare;
9. Shqyrtimi i Propozim – vendimit për formimin e komisionit për hartimin e Planit të Punën të Kuvendit për vitin 2023;
10. Shqyrtimi i Deklaratës të kuvendit për thirrej organeve të hetuesisë që të hetojnë disa portale dhe faqe të rreme në rrjetet sociale;
11. Shqyrtimi i Propozim – vendimit për caktimin e lokacionit për ndërtimin e lapidarit në fshatin Pasomë;
12. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 27 tetor 2022;

Pas shqyrtimit të kësaj pike të rendit të ditës, Kuvendi me vota “unanime” aprovoi procesverbalin nga mbledhja e rregullt e Kuvendit të Komunës së Vushtrrisë, mbajtur më datë 27 tetor 2022.

2. Shqyrtimi i Informatës lidhur me zbatimin e Planit Zhvillimor Komunal;

3. Shqyrtimi i Informatës lidhur me strukturën e bizneseve, numrin e të punësuarve dhe zhvillimin e bizneseve;

4. Shqyrtimi i Propozim – vendimit për miratimin e Raportit të Vlerësimit Vullnetar Lokal (VVL) i Komunës së Vushtrrisë;

Katarina Palushi, përfaqësuese e UN-HABITATIT-paraqiti sqarime hyrëse të përgjithshme lidhur me Raportin e Vlerësimit Vullnetar Lokal (VVL) të Komunës së Vushtrrisë.

Pas prezantimi dhe shqyrtimit të këtij rapporti, kuvendit pas votimit me 19 vota “për” sa janë të pranishëm në sallën e mbledhje u vendos me sa vijon:

1. Me këtë vendim miratohet Raporti i Vlerësimit Vullnetar Lokal (VVL) i Komunës së Vushtrrisë.

2. Qëllimi i miratimit të këtij rapporti është qasje në agjendën 2030 të Kombeve të Bashkuara, për të mundësuar lokalizimin e objektivave që lidhen me zhvillimin e gjithmbarshëm të Komunës së Vushtrrisë.

3. Ndër objektivat kryesore të agjendës 2023 të lokalizuara e që mëton t'i zbatojë Komuna e Vushtrrisë janë: zhdukja e varfërisë në të gjitha format e saj; fund-urisë; arritja e sigurisë ushqimore dhe përmirësimi i të ushqyerit; promovimi i bujqësisë së qëndrueshme; sigurimi i jetës së shëndetshme dhe promovimi i mirëqenies për të gjithë, në të gjitha moshat; sigurimi i arsimit cilësor gjithëpërfshirës dhe të barabartë dhe promovimi i mundësive të të mësuarit gjatë gjithë jetës për të gjithë; të arrihet barazia gjinore dhe të fuqizohen të gjitha gratë dhe vajzat; nxitja e rritjes ekonomike të qëndrueshme, gjithëpërfshirëse dhe të qëndrueshme; punësim i plotë dhe produktiv dhe punë e denjë për të gjithë; si dhe sigurimi i disponueshmërisë dhe menaxhimit të qëndrueshëm të ujit dhe shërbimeve sanitare për të gjithë.

4. Pjesë përbërëse e këtij vendimi është Raporti i Vlerësimit Vullnetar Lokal (VVL) i Komunës së Vushtrrisë.

5. Për zbatimin e këtij rapporti obligohen: Drejtoria për Urbanizëm dhe Mbrojtje të Mjedisit, Drejtoria për Ekonomi, Bujqësi, Pylltari dhe Zhvillim Rural, si dhe Drejtoria për Shëndetësi dhe Mirëqenie Sociale.

6. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit në Ministrinë e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

5. Shqyrtimi i Raportit të menaxhimit të performancës dhe grantit të bazuar në performancë për vitin 2021;

Islam Latifi, zyrtar në DSHP- duke ju adresuar anëtarëve të kuvendit parqiti një ekspoze lidhur me reportin e performancës ku dekalroi: Ministria e Administrimit të Pushtetit Lokal (MAPL), në bashkëpunim me komunat dhe donatorët, kanë përmbyllur procesin e vlerësimit për Sistemin e Menagjimit të Performancës dhe Grantit të Performancës, sipas performancës së komunave dhe kanë publikuar reportin për vitin 2021. Ky raport përban sistemin i cili ka 19 fusha dhe 119 tregues dhe Grantin e Performancës i cili bazohet në 28 tregues. Raportimi i të dhënave dhe vlerësimi i tyre për herë të dytë u realizua përmes Sistemit Elektronik të Menaxhimit të Performancës Komunale. Në këtë sistem kishin qasje të gjithë zyrtarët reportues të komunave, koordinatorët e performancës, kryetarët e komunave dhe zyrtarët vlerësues të Ministrisë. Krahas raportimit, sistemi ofroi mundësinë e bashkëngjitjes së dokumenteve referuese për të dhënat e raportuara, me qëllim të dokumentimit të të dhënave, si dhe një proces komunikimi në mes të komunave dhe Ministrisë, duke lënë gjurmë në secilën fazë të vlerësimit të të dhënave. Të dhënrat e ofruara shërbejnë për të parë trendët e zhvillimit të komunave nga viti në vit, në mënyrë që prioritetet vijuese të shtrihen në mbështetje të sektorëve më pak të organizuar. Veç kësaj, rezultatet e raportit shërbejnë si mjet vetëkontrolli për punën e administratës komunale, për të rritur kapacitetet dhe për të reflektuar në përgjegjshmërinë e zyrtarëve publik. Për më tepër, rapporti informon qytetarët për pritjet e arsyeshme të ofrimit të shërbimeve nga institucionet dhe të zgjedhurit e tyre lokal. Raporti nxjerrë përfundimet e përgjithshme për shkallën e të arriturave të komunave dhe jep rekomandimet përkatëse për përmirësimin e shërbimeve në bazë të rregullave juridike në fuqi apo standardeve të kërkura qeverisëse. Komuna e Vushtrrisë nuk është kualifikuar për grant të performancës për shkak të mospërbushjes së tri kriterieve nga 4 kritere minimale të përcaktuara në Rregullat e Grantit për Performancë. Kriteret që nuk janë plotësuar janë; ligjshmëria e vendimeve të kuvendit, shkalla e ultë e shpenzimit të buxhetit te investimet kapitale e cila nuk e arrin vlerën apo kriterin e përcaktuar prej 75% dhe rapporti i auditorit i kualifikuar. Shkalla e shpenzimit të buxhetit te investimet kapitale për Komunën e Vushtrrisë për vitin 2020 është vlerësuar 68%. Pra rapporti që e keni para jush përvèç pëershkrimit të qëllimit të këtij sistemi, përban në vete edhe informatat per trendet e performancës së Komunës së Vushtrrisë ndër vite, konkluzione për arrijet më të larta dhe më të ulta, si dhe rekomandimet se ku duhet të kemi përkushtim më të madh për rritjen e performancës në ofrimin e shërbimeve ndaj qytetarëve. Në bazë të analizave të përgjithshme dhe specifike, si dhe gjetjeve nga ky hulumtim, Komunës së Vushtrrisë i rekomandohet që të punojë me përkushtim më të madh në këto aspekte:

- Sa më shumë përfshirje të punësuarve me aftësi të kufizuar, si dhe sipas përkatësisë gjinore, në institucionet komunale;
- Rritjen e sipërfaqeve të sheshevë publike dhe hapësirave të gjelbra në m2 për kokë banori;
- Rritja e % së vendbanimeve për furnizim me ujë të pijshëm;
- Ligjshmëria e kontratave për shërbime të veçanta;
- Rritjen e % të vendbanimeve me trajtim të ujërave të zeza;
- Rregullimi i numrit të popullatës e cila përfiton nga skema sociale.
- Hartimi i Planit Lokal për Veprim në Mjedis,
- Raportimi i planit vjetor të planit të integritetit para kuvendit komunal,
- Diskutimi në kuvend i Raportit të auditorit të brendshëm,

- Përbushja e standardeve minimale të konsultimeve publike, si dëgjimet për KAB dhe buxhet komunal
- Miratimi me kohë i buxhetit vjetor,
- Niveli i adresimit të rekomandimeve të Zyrës Kombëtare të Auditorit,
- Përgatitja dhe publikimi i listës së pronave komunale të planikuara për dhënie në shfrytëzim,
- Sipërfaqja e territorit të komunës e mbuluar me plane rregulluese (të hollësishme).

6. Shqyrtimi i Informatës lidhur me aktivitetet për implementim të reformës në fushën e menaxhimit të mbetjeve në Komunën e Vushtrrisë;

7. Shqyrtimi i Propozim – vendimit për pagesën e komisioneve të Kuvendit të Komunës së Vushtrrisë;

Ferit Idrizi- kryetari komunës-sqaroi se fjala është për komisionet e formuara nga Kuvendi Komunal. Më tutje theksoi se këto komisioni duhet të paguhen sipas legjislacionit në fuqi. Ekzekutivi do t'i paguaj përmes këtij vendimi komisionet e formuara nga kuvendi.

Bekim Zabërgja –anëtar i kuvendit- tha se ka një sqarim tek çështja e komisionit për verifikimin e pronave, thuhet që janë 6 mbledhje theksoi se mund të jetë ndonjë gabim teknik ose ndonjë lëshim. Komisioni për zgjedhjen e këshillave lokal paguhet më së paku për 25 mbledhje të mbajtura. Me tutje theksoi se komisionit për verifikimin e pronave ka me shume pune, vetëm për Parkun Industrial janë 13 procesverbale dhe ka shqyrtuar 3000 faqe. Me tutje kërkoi që të paguhet çdo procesverbal 30 euro siç është paraparë e jo vetëm 6 mbledhje. Tutje shpjegoj se komisioni për verifikimin e pronave është kompleks, dhe në ditët në vijim do të ketë në shqyrtim mbi 80 kontrata që janë të natyrës tepër të ndërlikuar dhe për këtë kërkohet mund dhe punë, andaj kërkoj që ky komision të ketë një pagesë të dalluar nga komisionet tjera.

Ilmi Azemi – anëtar i kuvendit-kërkoi që të shtohet edhe një pike në këtë vendim, kryesuesi i komisionit duhet ta dorëzon numrin e takimeve në sekretarinë e kuvendit dhe pastaj sekretaria i procedon në drejtoritë përkatëse.

Hava Mlinaku- drejtoresh e administratës- tha se kane vendosur qe 6 takime janë vendosur si një lloj tavani. Ndërsa me tutje theksoi se komisionit për zgjedhjen e këshillave lokal i duhet 25 takime këtu mund te hyj edhe komisioni për verifikimin e pronave ndërsa komisionet tjera me 6 takime mund te vijnë në një përfundim. Mirëpo theksoi se kuvendi mund të vendos për tavanet e takimeve.

Shpëtim Zhegrova nënkyetar i komunës-tha, sa i përket tavanit të takimeve nuk duhet të vendoset tavan i takimeve, sepse ka komisionet që nuk ju mjaftojnë 6 takime. Kërkoi që komisionet të paguhen në bazë të procesverbaleve që dorëzohen në sekretarinë kuvendit por jo të mbahet më shumë se një takim në muaj.

Bekim Zabërgja –anëtar i kuvendit-tha, komisioni për verifikimin e pronave është komision specifik dhe nuk mund te mbaj vetëm një mbledhje në muaj ,sepse mbesin pa zgjidhur shumë probleme të Vushtrrisë për një kohe të gjatë. Me tutje theksoi se nëse kërkohet të mbahet vetëm një mbledhje në muaj ai tërhiqet nga ky komision.

Hava Mlinaku- drejtoresh e administratës-sqaroi se ky vendim është në fuqi deri sa të hyjnë në fuqi rregullorja për pagesën e komisioneve dhe komiteteve.

Melihate Basholli-Latifi –kryesuese e kuvendit-tha se këtij propozim vendimi i shtohet edhe një pike e veçantë që kryesuesi i komisionit të dorëzoi reportin e punës (procesverbalin) në sekretari të kuvendit dhe më tej procedohet për pagesë në drejtoritë kompetente.

Pas debatit lidhur me këtë pikë të rendit të ditës, kuvendit pas votimit me 20 vota “për” sa edhe ishin të pranishëm në sallën e mbledhje u vendos me sa vijon:

1. Me këtë vendim, lejohet kompensimi i anëtarëve të komisioneve të formuara nga kuvendi, që nga data 1.1.2022, deri në hartimin e rregullores për komitetet dhe komisionet e kuvendit.

2. Lartësia e kompensimit për çdo takim caktohet në shumën prej 30€ për anëtar të komisionit, në bazë të procesverbalit për mbajtjen e takimit.

3. Pagesa e anëtarëve të komisioneve mund të bëhet deri në gjashtë (6) takime, për çështjen për të cilën janë formuar, përjashtim bën Komisioni për zgjedhjen e këshillave lokalë, i cili duhet të paguhet për së paku njëzet e pesë (25) takime.

4. Mjetet financiare të cekura në pikën 2 të këtij vendimi do të merren nga kategoria paga dhe mëditje dhe kategoria e subvencioneve në Zyrën e Kryetarit.

5. Kryesuesi i komisionit obligohet që të dërgojë në Sekretarinë e Kuvendit procesverbalin-raportin e punës lidhur me takimet apo mbledhjet dhe shqyrtimin e çështjeve që janë objekt i punës së komisioneve.

6. Kompensimi i këtyre komisioneve do të bëhet konform legjisacionit në fuqi.

7. Për zbatimin e këtij vendimi obligohet: Drejtoria për Buxhet dhe Financa, dhe drejtoritë tjera kompetente komunale.

8. Ky vendim hyn në fuqi pesëmbëdhjetë (15) ditë pas regjistrimit në zyrën e Protokollit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

8. Shqyrtimi i kërkesës së Klubit të Hendbollit “Vushtrria” (femrat) për përkrahje financiare;

Alban Bajrami, anëtar i kuvendit: kërkoi që të përkrahtë ky K.H. ”Vushtrria” për femra. Theksoi që ky klub kërkoi fillimisht t’i paguhet borxhi që i ka komuna në shume prej 5000 euro ,si shpërblim për sukseset e arritura bazuar ne rregulloren në fuqi ,pjesa tjetër prej 10000 i ndihmon klubit të mbijetoj dhe të vijoj garat dhe sukseset e mëtejme. Presim nga qeveria komunale që të realizoi plotësisht kërkesën e K.H. Vushtrria” për femra, duke kryer kështu një obligim ligjor dhe moral për një klub që i ka dhënë e vazhdon të jap aq shume për qytetin tonë.

Ilmi Azemi- anëtar i kuvendit- tha sa i përket shumes prej 5000 euro, nuk është diskutabile besoi që është në procedim të pagesës. Ndërsa shumës prej 10000 ka nevojë shumë të madhe për përkrahje direkte K.H. ”Vushtrria “femrat”. ftoi që t’i jepet mbështetje propozimit pasi qe vihet në pikëpyetje ekzistencia e këtij klubit.

Ferit Idrizi- kryetari komunës: theksoi se e mbështet plotësisht, por të kemi parasysh që 5000 € kanë mbetur borxh nga qeveria e kaluar. Propozoi që 5000 eurot që ti ndahan menjëherë, ndërsa për pjesën tjetër kerkoi mirëkuptimin e të gjithëve pas që nuk ka buxhet. Për vitin e ardhshëm të kemi parasysh që të kemi një diferencë për klube që arrijnë rezultate.

Ilmi Azemi – anëtar i kuvendit: kerkoi që të përkrahet ky klub nga qeveria komunale dhe nga të gjithë asamblistët sepse është në gjendje shumë të ranë, pas që klubit ka shumë borxhe dhe nga kjo situatë do të vështirësohet edhe vet ekzistenca e klubit.

Shpëtim Zhegrovë- nënkyetar i komunës- tha, secili nga qeveria komunale dhe anëtarët e kuvendit janë te gatshëm të ndihmoj jo vetëm K.H. "Vushtrria", po edhe klubet e tjera të Komunës se Vushtrrisë. Secila nga klubet janë në një situate jo të mirë. Nga raportet e auditorit ka pasur vërejtje për mënyrën e ndarjes se këtyre subvencioneve, nuk janë ne harmoi me ligjin sepse ndarjet për OJQ dhe klube sportive behën në baze të thirrjes publike që bëhet nga Drejtoria e Kulturës. Kerkoi mirëkuptimin nga anëtarët e kuvendit që mos të merren vendime që nuk mund të zbatohen, sepse këto vendime po mbetën në sirtarin e komunës. Më tutje tha, në fillim të vitit të ardhëm publikohet thirrja publike për klube sportive dhe për OJQ andaj mos të merren vendime që nuk janë në harmoi me ligjin.

Ismet Gashi zyrtar ligjor- tha, se çdo ndarje mbi 500 euro duhet t'i nënshtronhet thirrjes publike, është e rregulluar me rregulloren komunale dhe rregulloren 04/2017 mbi kriteret standarde dhe procedurat e financimit të OJQ-ve. Mbi 500 euro pa thirrje publike nuk mund të ndahen nga Komuna, me përashtim 5000 euro ndahen me rregulloren për dekorata dhe arritje të sukseseve.

Melihate Basholli-Latifë –kryesuese e kuvendit- tha, në baze te sqarimeve këto 5000 euro ju takojnë sipas rregullores që ka nxjerr Drejtoria për Kulturë, Rini dhe Sport ndërsa pjesa tjetër duhet të zbatohet me thirrje publike për vitin e ardhshëm.

Pas debatit lidhur me këtë pikë të rendit të ditës, kuvendit pas votimit me 20 vota “për” sa edhe ishin të pranishëm në sallën e mbledhje u vendos me sa vijon:

Kuvendi i Komunës së Vushtrrisë në mbledhjen e rregullt të mbajtur më datë **24 nëntor 2022**, ka shqyrtau kérkesën e Klubit të hendballit "Vushtrria" – femrat, të parashtuar më datë 10.11.2022, për ofrimin e përkrahjes financiare në vlerë prej 15,000.00 €, andaj Kuvendi i komunës pas një analize të hollësishme, të lartcekurve i parashtron këtë:

Përgjigje në kérkesë

Kuvendi i Komunës së Vushtrrisë kérkon nga Drejtoria për Kulturë, Rini dhe Sport, që t'i përbush obligimet ndaj klubit në fjalë, në vlerë financiare prej 5,000 €, detyrime që rrjedhin nga Rregullorja për Dekorata, lidhur me kompensimin e shpërbimit për sportet kolektive, pasi që Klubi i hendballit "Vushtrria" F është shpallur kampion i Kosovës për periudhën 2020/2021.

Pjesa tjetër e kérkesës në vlerë prej 10,000.00 €, të procedohet për zbatim sipas thirrjes publike për klubet dhe OJQ-të për vitin 2023, konform legjisacionit në fuqi që i referohet rregullimit të kësaj fushe.

Obligohet Drejtoria për Kulturë, Rini dhe Sport, të japë përgjigje me shkrim brenda afatit ligjor dhe për të gjitha veprimet e ndërmarra ta njoftojë Klubin e hendbollit “Vushtrria”- femrat.

9. Shqyrtimi i Propozim – vendimit për formimin e komisionit për hartimin e Planit të Punën të Kuvendit për vitin 2023;

Melihate Basholli-Latif -kryesuese e kuvendit - theksoi, se ky komision përbhet nga 5 anëtar ,kryesuese e këtij komisioni është kryesuesja e kuvendit ,ndërsa anëtarët e tjerë propozohen nga kuvendi. Kërkoi nga anëtarët e kuvendit te merret parasysh ligji për barazi gjinore.

Mentor Hasani -anëtar i kuvendi: nga PDK-ja propozohet Arlind Gogolli.

Behar Duraku -anëtar i kuvendit: nga LDK-ja propozohet Alban Bajrami.

Ali Jonuzi -anëtar i kuvendit: nga LVV-ja propozohet Nurten Çerkezi-Gjyshinca.

Faton Hyseni anëtar i kuvendit: propozoi Mensur Kastratin.

Lidhur me këtë pikë të rendit të ditës, kuvendit pas votimit me 20 vota “për” sa edhe ishin të pranishëm në sallën e mbledhje u vendos me sa vijon:

1. Me këtë vendim formohet komisioni për hartimin e Draft-planit të punës së Kuvendit të Komunës së Vushtrrisë për vitin 2023, në përbërjen si në vijim:

1.1.Melihate Basholli-Latifi, kryesuese e kuvendit;

1.2.Arlind Gogolli, anëtar i kuvendit;

1.3.Alban Bajrami, anëtar i kuvendit;

1.4.Nurten Çerkezi-Gjyshinca anëtare e kuvendit;

1.5.Mensur Kastrati, anëtar i kuvendit.

2. Komisioni i cekur në pikën 1 të këtij vendimi, duhet të takohet brenda një afati të arsyeshëm dhe të hartojë draftin e Planit të Punës së Kuvendit për vitin 2023, dhe të njëjtin duhet t’ia propozojë Kuvendit të komunës për aprovim në mbledhjen e muajit dhjetor 2022.

3. Për zbatimin e këtij vendimi obligohet komisioni i cekur në pikën 1 të këtij vendimi.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë

10. Shqyrtimi i Deklaratës të kuvendit për thirrej organeve të hetuesisë që të hetojnë disa portale dhe faqe të rreme në rrjetet sociale;

Agron Përçuku anëtar i kuvendit- tha se propozimi i tij ishte të behet një deklaratë pasi qe shumica nga anëtar e kuvendit jemi atakuar me deklarata te rrejshme nga disa portale te rrejshme te cilat nuk janë të regjistruara. Me tutje tha qe dëshiron t’i drejtohet kuvendit dhe hetuesisë për këto portale dhe te merren masa ndaj tyre. Zakonisht ne te kaluarën është formuar komision te behet deklaratë dhe ajo deklaratë është votuar ne kuvend dhe ka shkuar ne organet te cilat ju jemi drejtuar.

Kuvendi vendosi që të formoj një komision për deklarate për portalet e rrejshme .

Mentor Hasani -anëtar i kuvendi: nga PDK-ja propozohet Zojë Hajrizi.

Alban Bajrami -anëtar i kuvendit: nga LDK-ja propozohet Agron Përçuku.

Arlind Gogolli- anëtar i kuvendit: propozoi Bekim Zabërgjen.

Kuvendi me 20 vota “për” e emëroj komisionit për hartimin e Deklaratës të kuvendit për thirrje organeve të hetuesisë që të hetojnë disa portale dhe faqe të rreme në rrjetet sociale.

Bekim Zabergja, anëtar i kuvendit-lexoj tekstin e deklaratës së kuvendit:

Deklaratë

Kuvendi i Komunës së Vushtrrisë me anë të kësaj deklarate dënnon tendencat denigruese të disa faqeve të rrejshme në rrjetet sociale të afërtë me disa subjekte politike në Vushtrri, përmes gjuhës denigruese, shpifjeve dhe plasimit të lajmeve të rrejshme ndaj zyrtareve publik dhe përfaqësuesve të zgjedhur të qytetarëve. Kërkojmë nga ana e organeve të drejtësise të zhvillojë hetime për këto portale dhe faqe të tjera të rreme në rrjete sociale siç janë “Vupol”, “Ballkan web”, “Vushtrri Zgjohu” dhe rrjete të tjera të ngjashme.

Vushtrri 24.11.2022

Melihate Basholli-Latifi –kryesuese e kuvendit: theksoi, se e ka dëgjuar me vëmendje deklaratën dhe se erdhi në përfundim se kuvendi nuk mund të konstatoi se cilat janë ato portale.

Agron Përçuku anëtar i kuvendit : theksoi, së thirrja për organet e drejtësise nëpërmjet kësaj deklarate nuk është për mediat qe janë te regjistruala në vendin adekuat. Më tutje tha se janë disa portale ose faqe që janë të rrejshme, nuk jemi kundër mediave që janë të regjistruala dhe kanë lirinë e shprehjes. Por janë disa faqe qe po mundohen te denigrojnë secilin përfaqësues te zgjedhur nga populli. Andaj kërkoi që mos të këtë keqkuptime se jemi kundër mediave për fjalën e lirë.

Bekim Zabërgja –anëtar i kuvendit: tha, se çështja është për faqe facebooku që veprojnë në mënyrë ilegale. Veprimitaria e tyre nuk ushtrohet ne baze te ligjt te gazetarisë. Organeve të hetuesisë duhet t'i drejtohet me emër. Më tutje tha se nuk mund t'i drejtohet prokurorisë dhe gjykatës pa objekt të lëndës.

Melihate Basholli-Latifi –kryesuese e kuvendit: shtroi pyetje si konstatuan ne se këto portale janë te rrejshme?

Ismet Gashi zyrtar ligjor: tha, deklarata nëse dërgohet në pakurori duhet të përcaktohet me emër dhe mbiemër se na kush dyshohet se po i bene shpifjet përndryshe kjo mund të merret si deklaratë që dënohen ato të cilat dezinformojnë.

Ferit Idrzi-kryetar i komunës: tha se janë shumë të qarta ato që u kërkuan. Ka portale, faqe të rrejshme që denigrojnë tërë kohen. Askush nuk është kundër media qe janë te regjistruala dhe qe informojnë, andaj nuk keni pse te heziton, më tutje kërkoi nga kryesuesja e kuvendit që deklarata të adresohet si kërkësë që policia t'i përcjell këto faqe të rrejshme kryesisht nga facebook.

Melihate Basholli-Latifi –kryesuese e kuvendit: tha, se në kuadër të policisë është njësiti për krime kibernetike dhe kjo është punë e këtij njësiti, andaj kuvendi nuk e di se çfarë pune mund të kryej me këtë deklaratë. Ata duhet të konstatojnë nëse këto media qe i keni cekur janë të rrejshme.

Shpëtim Zhegrova- nën kryetar i komunës- tha, nuk jemi duke tentuar as ne si qeveri komunale as anëtarët e kuvendit te bëjmë gjyqin e asnjë medie qe është zyrtare. Nuk besojmë asnjë nga zyrtaret qe është duke u frikuar nga mediat se çka postojnë ,le të postojnë atë çka është dhe do ti përgjigjemi vazhdimi isht mirëpo portale në një far forme që janë të rrejshme dhe regjistrohen

brenda ditës dhe postojnë lajme të rrejshme dhe etiketojnë secili nga ne pa asnjë baze duhet ti drejtohemë policisë se kimeve kibernetike nga kuvendi sepse është dyshim i bazuar sepse ata janë duke operuar ne mënyrë ilegale sepse te hyjsh ne ARBK-ë që është vend ku regjistrohen bizneset e caktuara p.sh Vushtria Online është biznes që është i regjistruar dhe ka emër dhe adresë. Përderisa njerëz të caktuar postojnë lajme të rrejshme. Më tutje tha se mendon që duhet dikush ti zbuloj duhet t'i drejtohemë në këtë forme që të zbulohen këto portale. Përderisa nuk janë të regjistruala nuk kemi as ku ti paditim sepse nuk jemi në dijeni se kush janë.

Agron Përçuku anëtar i kuvendit: tha se kjo mund të shkoj edhe si thirrje e jo si deklaratë për organet e drejtësisë. Më tutje tha se ai personalisht është atakuar shumë që ka dal në mbrojtje të qytetareve, theksoi se ka dal në mbrojtje të qytetarëve edhe në vitin 2021 edhe në atë kohë ka pasur njerëz përgjegjës që nuk ka ndalur dhe ata kanë qenë drejtorë bashkë me mua. Sot jam atakuar sepse ju kam dal qytetarëve në ndihim. Kam të drejt të shkoj edhe si individ por kam kërkuar sepse kam parë që janë ataku edhe shumë nga koleget.

Melihate Basholli-Latifi –kryesuese e kuvendit- tha se edhe ajo ka pasur sulme të tilla dhe i ka zgjedhur personalisht. Nëse ju jeni të pajtimin e procedojmë si thirrje për hulumtim.

11. Shqyrtimi i Propozim – vendimit për caktimin e lokacionit për ndërtimin e lapidarit në fshatin Pasomë;

Shpëtim Zhegrova- nënkyetar i komunës- tha se edhe në seancën e kaluar ka qenë propozim-vendim për caktim të lokacionit për ndërtimin e lapidarit. Ndërsa për ngritjen e lapidarit është ndarë buxheti. Merret vendimi në bazë të Ligjit për Vetëqeverisje Lokale, ku është e përcaktuar saktë forma e marrjes së vendimeve, prandaj nëse ka shkelje ministria e kthen, vendimin si të kundërligjshëm.

Ali Januzi –anëtar i kuvendit- tha se para disa ditëve ka qenë në këtë vend së bashku me Nexhat Merofcin dhe e kane caktuar lokacionin. Më tutje theksoi se lapidari do të ndërtohet tek shtëpia e Adem Voces në oborrin e tij. Të gjithë shprehu shqetësimin për këtë çështje që është bërë kaq e madhe deri në këtë mase, sa që një pjesë e LVV-së dhe LDK-së nuk pranuan që të qëndronin në sallën e kuvendit. Sot do të vendoset për një lapidar për një figurë të madhe historike që e meriton. Është fat i mire që e kemi një Adem në Shalë e një Adem në Prekaz të Drenicës kjo vetëm e pasuron historinë.

Pas debatit lidhur me këtë pikë të rendit të ditës, kuvendit pas votimit me 20 vota “për”, 1 votë “abstenim” vendosi me sa vijon:

1. Me këtë vendim caktohet lokacioni për ndërtimin e lapidarit në fshatin Pasomë, pjesë nga parcela kadastrale P-70202050-01296-0 në sipërfaqe prej 613 m^2 , nga sipërfaqja e përgjithshme prej 89886 m^2 , me kulturë kulloë e kl.4 ZK - Pasomë, e cila evidentohet si pronë e Komunës së Vushtrisë.
2. Me këtë vendim lejohet ndërrimi i destinimit të patundshmërisë të cekur në nenin 1 të këtij vendimi, kurse me hyrjen në fuqi të këtij vendimi, obligohet Drejtoria për Kadastër, Gjeodezi dhe Pronë që të bëjë ndërrimin e destinimit (kulturës) të kësaj parcele në elaboratin kadastral.

3. Me këtë vendim shfuqizohet vendimi i Kuvendit të Komunës së Vushtrrisë me numër të protokollit 265/22 i datës 27.10.2022, që lidhet me të njëjtën çështje.

4. Për zbatimin e këtij vendimi obligohen: Drejtoria për Kulturë, Rini dhe Sport, Drejtoria për Kadastër, Gjeodezi dhe Pronë, si dhe Drejtoria për Urbanizëm dhe Mbrojtje të Ambientit.

5k. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Mbledhja përfundoi në ora: 12:39.

Bastri Duraku



Procesmbajtës

Melihate Basholli-Latif

